

# 2025 NAPLAN

## Lipoti fanau a'oga ta'ito'atasi

Fa'amatalaga mo mātua ma tagata e tausia fanau



O le NAPLAN o iloiloga a le atunu'u fa'ataui i tomaitusitusi ma le faitautusi fa'apea malamalama'aga i fuainumera ma lo latou fa'aaogaina e faia e fanau a'oga o Tausaga 3, 5, 7 ma le 9. E na o le pau lea o le iloiloga a le atunu'u e fa'atino e fanau uma a Ausetalia. O tomaitusitusi ma le faitautusi fa'apea malamalama'aga i fuainumera ma lo latou fa'aaogaina o ni vaega e matuā tāua tele e fa'avae ai a'oga'oga uma fa'apea le manuia o le 'auai ai i fa'atinoga a tagata lautele. O fesili a NAPLAN e iloiloaina ai mataupu e feso'ota'i i silapasi a a'oga a Ausetalia i le Iglisi ma le Matematika

O su'ega a NAPLAN e na o se tasi lea o vaega o iloiloga e fa'atino e a'oga ta'itasi fa'apea ma auala e faia ai ia lipoti. Talu ai o ia iloiloga e fa'atasi i le ta'i lua tausaga ona fai e fanau a'oga ta'itasi, o lea e le mafai ai e ia iloiloga ona suitulaga i iloiloga lautele faifaipea ia e faia e faia'oga fa'ataui i fa'atinoga a fanau a'oga. E sili atu le malamalama o le faia'oga a lou alo i le alualu i luma o lona tulaga fa'alea'oa'oga. E fa'atasi ai ma lipoti o isi ituaigā iloiloga, e mafai ona fa'a'oga lipoti a NAPLAN mo fanau a'oga ta'ito'atasi e fa'atalanoa ai ma o latou faia'oga ia tulaga alualu i luma o lou alo.

### E fa'apefea ona iloilo e NAPLAN ia fanau a'oga?

O su'ega a NAPLAN e tiliva i luga o le initaneti i a'oga uma i Ausetalia ia Mati i tausaga ta'itasi. O iloiloga i luga o le initaneti e tu'uina atu ai fesili e fua lelei i tali a fanau a'oga ta'ito'atasi, ma maua ai ia togi e sili ona sa'o ma tupu ai lagona o fanau a'oga e 'auai i su'ega.

O fesili a NAPLAN e tele ona fa'avae mai le poto ma tomaitusitusi ma le faitautusi fa'apea fuainumera ma lo latou fa'aaogaina i le a'oa'oina o fanau a'oga i tausaga ua mavae i a'oga. E laiti ni fesili e iloiloaina ai mataupu fa'aopopo mai le tausaga lea e fai ai le su'ega, fa'apea ma le tausaga e soso'o ai. O nei fesili sa mamaniina ina ia mafai ona taliina i le fa'aaogaina o 'auala na a'oina e fanau a'oga i tausaga ua te'a. O lenei faiga e fa'amautinoaina ai e mafai e fanau a'oga uma ua iai agavaa ona faailoa o latou tomaitusitusi.

O fa'amatalaga au'ilili o le poto ma tomaitusitusi ia e fuaina e le NAPLAN e maua i le [www.nap.edu.au](http://www.nap.edu.au).

### O tapula'a o tomaitusitusi

Talu mai 2023, O togi o NAPLAN sa lipoti e faatusatusa i tapula'a faatulagaina o tomaitusitusi lea e fa'amatala manino ai tulaga e 'ausia e fanau a'oga. O le faatulagaga o tapula'a nei i le mauuluga e fa'a-lu'itau 'ae talafeagai, e fua i le mauuluga e mafai e fanau a'oga i le taimi o su'ega a NAPLAN, ma fa'avae i mea na a'oa'oina i tausaga ua mavae i a'oga.

O tapula'a faatulagaina e aofia ai laasaga e 4 o tomaitusitusi.

- **Sili mao'e:** O togi a le alo a'oga e mātua sili atu 'ai lo le tulaga na fa'amoemoe e 'ausia i le taimi o le su'ega.
- **Malosi:** O togi a le alo a'oga e 'ausia tulaga lu'itau 'ae e talafeagai ma le tulaga na fa'amoemoe e 'ausia i le taimi o le su'ega.
- **Atia'e:** O togi a le alo a'oga e atagia ai o lo o galulue atu aga'i i tulaga na fa'amoemoe e 'ausia i le taimi o le su'ega.
- **Mana'omia fesoasoani fa'aopopo:** O togi a le alo a'oga, e atagia ai latou te le o 'ausia ia taunu'uga fa'a-le-a'oga na fa'amoemoe e 'ausia i le taimi o le su'ega. Latou te foliga mana'omia le lagolago fa'aopopo ina ia alualu i luma le manuia o le taumafai.

E le'i suia vaega e iloilo e NAPLAN. O lo o tu'uina atu i le itulau 4 o lipoti a fanau a'oga ta'ito'atasi nisi 'oto'otoga o fa'amatalaga au'ilili, e fa'ataui i mea e iloa e fanau a'oga ma e mafai ona fa'atino i totonu o la'asaga ta'itasi o tomaitusitusi. E maua nisi fa'amatalaga i le [www.nap.edu.au](http://www.nap.edu.au).

### Na fa'apefea ona fili ia la'asaga faatulagaina o tomaitusitusi?

Na fili e ni vaega o faia'oga e iai tomaitusitusi fa'apitoa ia la'asaga faatulagaina o tomaitusitusi e fa'afeagai ma fa'anaunautiga tau a'oga'oga mo vaega o iloiloga ta'itasi fa'apea ma le la'asaga faatulagaina fa'a-le-tausaga. Sa iai sao o mātua ma tagata o lo o tausia fanau a'oga i lipoti a fanau a'oga sa tu'uina atu i ni kulupu laiti fa'apitoa ma fa'alapotopotoga a mātua o le atunu'u.

### Faitauina o lipoti a NAPLAN.

E fa'ailoa i le lipoti a NAPLAN ia le fua o tomaitusitusi mo iloiloga o vaega ta'itasi (malamalama'aga i fuainumera, faitautusi, tusitusi, sipela ma kalama ma fa'a'iloa faitautusi) fa'atasi ai ma maka o le alo a'oga e fa'ailoa i se togitogi uliuli i luga o le fua.

E fa'ailoa e le lipoti ia tulaga e 'ausia e le tamaititi i le fa'atusatusaina i le ogatotonugālemū o maka a le atunu'u atoa mo lo latou tausaga (e fa'aalia o se tafatolu uliuli) fa'apea ma le va 'ese'ese o tulaga e 'ausia e le vaega ogatotonu o le 60% o fanau a'oga i le la'asaga faatulagaina o le latou tausaga (e fa'ailoaina o se pusa fa'atafafa lanu vaivai).

O le NAPLAN o se mea faigaluega taua e maua ai malamalama'aga aogā i fa'atinoga a fanau a'oga, 'ae e tatau ona fa'aetete i le fa'amatalaina o lipoti ta'itasi ona e atagia ai fa'atinoga a fanau a'oga i le aso o le su'ega, ae ua le ose fua faatatau lea o le aotelega sa latou a'oa'oina.

## E fa'apefea pe a fai mai le lipoti a lo'u alo na fai a latou su'ega i luga o pepa.

E ui o su'ega a NAPLAN e faia i luga o le initaneti, e iai nai tulaga laititi e ono faia ai su'ega a fanau a'oga i luga o pepa. E aofia i ia tulaga pe a:

- fa'aaoga e a'oga seisi 'auala fa'a-le-a'oa'oga ua aloa'ia
- mana'omia e fanau a'oga ia su'ega e fai i luga o pepa ona o avanoa ua maua.
- iai ni fa'afitauli e tula'i mai i le taimi o su'ega e mana'omia ai le fa'aaogaina o pepa e puipui ai se mea e tupu mai.

O fanau a'oga Tausaga 3 e masani ona fai a latou su'ega tusitusi i luga o pepa

## E mafai ona fa'atusatusa le fa'atinoga a lo'u alo i lipoti muamua a NAPLAN?

E le mafai ona fa'atusatusa sa'o ia togi mai le 2023 ma le aga'i i luma, i togi mai le 2008 e o'o i le 2022. O le mafua'aga ona o le fua fou e sili atu ona fetauti mo su'ega e fai i luga o le initaneti lea ua amata fa'aaoga fa'atasi ai ma tapula'a fou, ma o le mafuaaga ona ua see mai su'ega mai le va-i-tuuaga 2 i le va-i-tuuaga 1.

Peita'i, i le 2025 o fanau a'oga i Tausaga 5, 7 ma le 9 o latou ia sa muamua faamae'aina li'o e 2 o le NAPLAN i lalo o faatulagana o lipoti fou. O lona uiga o mātua ma tagata e tausia fanau ua mafai ona faaogaina lipoti ta'itasi o fanau a'oga ua latou maua i le 2023 ma le 2025 e faatusatusa ai le tulaga o tomai o fanau ta'ito'atasi.

O maka ose fanau a'oga e faatusatusa i le ogatotonugalemū o maka a le atunuu atoa ma vaega ogatotonu o le 60 % o fanau a'oga e mafai foi ona faatusatusa aga'i i le 2023 ma le 2025.

I le faagasolo atu o fanau a'oga i tausaga o NAPLAN, e mana'omia le tomai ma le poto ia ausia ai le faigatā ua siisii ai tulaga o tomai. O se fanau a'oga e ausia tulaga o tomai i tausaga o sau, e pei o Tausaga 3 ma Tausaga 5, e ono manuia le taumafai.

## E fa'apefea ona fesoasoani NAPLAN i lo'u alo?

E fa'ataga e NAPLAN ia mātua ma tagata e tausia fanau a'oga e va'ai pe o fa'apefea fa'atinoga a o latou alo i le tusitusi ma le faitautusi fa'apea malamalama'aga i fuainumera ma lo latou fa'aaogaina e fua i tapula'a mo le atunuu atoa. E mafai ona fa'atusatusa tulaga e 'ausia e lou alo i le ogatotonugalemū o maka a le atunuu atoa i le tausaga lava e tasi fa'apea la'asaga 'ese'ese o tomai.

E mafai ona fesoasoani ia togi i mātua ma tagata e tausia fanau fa'apea fo'i fanau a'oga i le fa'atalanoaina ma faia'oga le alualu i luma o fanau a'oga ta'ito'atasi.

## O lea le a'afiaga o togi i le lumana'i o lo'u alo?

O togi a NAPLAN e maua ai fa'amatalaga taua fa'atatau i tomai tusitusi ma le faitautusi fa'apea malamalama'aga i fuainumera e a'oa'oina e lou alo i silapasi a le latou a'oga. O togi e lagolago i isi iloiloga e fa'atino e lou alo i le a'oga, ma maua atu ai mo 'oe ma le faia'oga a lou alo se malamalama'aga i tulaga e 'ausia e lou alo i le taimi o su'ega. E mafai ona fa'aaoga ia fa'amatalaga e lagolagoina ai lou alo ina ia latou 'ausia le atoatoaga o le mafai latou te gafatia.

E ono fesili atu nisi o a'oga mo lipoti a NAPLAN, e fa'aopopo i lipoti a'oga, 'auā se vaega o a latou fa'atinoga mo le taliaina o fanau a'oga fou. E le'i fuafuaina le NAPLAN e fai ma su'ega e fa'aulufale ai fanau a'oga fou. Peita'i, e ono aogā togi e iloa ai e le a'oga fou ia mana'oga fa'a-le-a'oa'oga a le alo a'oga.

## E fa'apefea ona fesoasoani NAPLAN i le a'oga a lo'u alo?

O le NAPLAN e na o le pau lea o le iloiloga a le atunuu e fa'atino e fanau uma a Ausetalia. E fesoasoani:

- i faia'oga ina ia sili ona maua po o ai fanau a'oga e mana'omia tele lu'itau poo nisi fesoasoani.
- i a'oga ina ia maua vaega o polokalame o a'oa'oga e malolosi ma mana'omia.
- i a'oga mo le fa'atulagaina o sini mo tomai tusitusi ma le faitautusi ma fuainumera
- i 'auala fa'atino a a'oga mo le iloiloia o polokalame ma fesoasoani e ofoina i a'oga.

E maua atu fo'i i le NAPLAN ia fa'amaumaga faatusatusa a le atunuu e fesoasoani i mālō e iloilo ai pe o fa'apefea le aoga o polokalame mo a'oa'oga ma po o 'ausia e fanau a'oga ia tapula'a taua o tomai tusitusi ma le faitautusi ma fuainumera.

## O ai isi e va'ai i togi?

I tausaga ta'itasi, e tu'uina atu e pulega fa'atino o su'ega i a'oga ia togi a fanau a'oga uma e su'e i le NAPLAN. E una'ia a'oga e fa'aāoga ia togi e fuafua ai ia vaega e siitia ai le a'oga atoa.

E malu puipua lipoti a fanau a'oga ta'ito'atasi mai i le fa'aaloaina fa'alaua'itele. E leai seisi vagana ai pulega o fa'atinoga o su'ega ma le aufaigaluega a le a'oga a lou alo, e vā'ai i le lipoti.

E lipotia fa'alaua'itele ia le ogatotonugalemū o maka a a'oga i luga o le My School i le [www.myschool.edu.au](http://www.myschool.edu.au). O le uesesaite e fa'afouina i togi o tausaga taitasi i le aga'i atu i le fa'ai'uga o le tausaga. O togi a lou lava alo e le maua i luga o le My School.